



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CCLV. Bestätigung des Erzbischof-Cardinals Albrecht über den zwischen der Stadt Burg und den Edlen von Plotho wegen der Dorfstätte Luben und der beiden Wendendörfer geschlossenen Vergleich, vom 11. ...

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

communiri. Datum et actum in arce nostra Episcopali Szeyefser, Anno domini Millesimo quingentesimo quartodecimo, Die vicesima octava mensis Martij.

Nach dem Originale des Stadtarchives zu Burg Nr. 118.

CCLV. Bestätigung des Erzbischof-Cardinals Albrecht über den zwischen der Stadt Burg und den Edlen von Plotho wegen der Dorfstätte Luben und der beiden Wendendörfer geschlossenen Vergleich, vom 11. October 1531.

Wyr Albrecht, von gots gnaden der Romischer Kirchen des tittels Sancti Petri ad Vincula priester, Cardinal vnd Legatus natus, Ertzbischoff zcu Magdeburg vnd Meintz, Primas des heiligen Romischen reichs durch Germanien, Ertzcantzer vnd Churfurst, Administrator des Stiffts Halberstadt, Marggraue zcu Brandenburgk, zcu Stettin, Pommern, der Cassubien vnd Wenden Hertzogk, Burggraue zcu Norenbergk vnd Furst zcu Rugen, Bekennen — Nachdem sich von langer Zeit her etliche gebrechen zcwischen vnserm lieben getrewen Balthafarn Edlen von Plotho an eynem Burgermeister vnd Rathe vnser stadt Borch Eyner anforderung haben, so der gedachte von Plotho vor sich vnd aufs krafft Ihme dortzu gescheener cession von den Wirdigen Ern Joachim, Thumbern vnser Kirchen zcu Magdeburgk, vnd Georgen, auch Eddeln von Plote, seyner Brudern, vmb das dorff vnd dorffschafft zcu Luben, mit grossen vnd kleynen Wentorff dorbey gelegen, vnd allen gerichtten vnd vngerichtten, oberst vnd niderst, besetzt vnd vnbesetzt, gantzlich mit allen nutzungen vnd zuebehorungen an zcinsen, holtz, grasse, acker, weyde, triff, wasser, Fischerey vnd wiltbahne ader was das sey vnd mit besondern worten benanth werden magk, Magdeburgisch vnd Sechsisch vnderchiedlich lehn, so gedachte von Borch ethwan von Gebhart, Claufs, Casper, Otten, allen von Plotho, jhren vettern vnd brudern, mit weylant vnser vorsharen Ertzbischohen Ernsts gunst erblich zcu sich erkaufft, das diese drey von Plotho jnen zcu grossen nachteyl jhres vornehmens vnbestendiger weyse gescheen achten, am andern theil jrrig gehalten, Dortzu wir neben dem Hochgebornen Fursten, vnserm lieben hern Oheyden vnd Bruder, hern Johanfen, Hertzogen zcu Sachssenn vnd Churfursten etc., vnd vnserm Capittel zcu Magdeburgk zcu ostermahl geschickt, Solche gebrechen durch vnser Reihe besichtigen, vorhoren vnd dortzu mit gutem fleiss handeln lassen, die dan wir nachfolgend vorgekommen vnd vff nachfolgende wege in der guthe entlich vortragen. Nemlich sollen vnd wollen gedachte Er Joachim, Balthafar vnd Georg von Plote vor sich vnd von wegen Otten, jhres vierden Bruders, auch aller andern der von Plotho, jrer vettern vnd agnaten, diese ihre anforderung fallen lassen, dauon abestehen, inmassen sye hirdurch dauon abgestanden seyn, Sich auch vor sich vnd alle jhre erben derselben gantz begeben, renunctirt vnd abgefagt haben, bewilligt vnd zugefagt, das die von Borch angetzeigt dorff vnd dorffschafft zcu Luben mitt sampt den beiden Wentorffen, gros vnd kleyn, darbey gelegen, vnd allen gerichtten vnd vngerichtten, vberst vnd niderst, besetzt vnd vnbesetzt, gantzlich mit allen nutzungen vnd zuebehorungen, an zcinsen, Holtz, grasse, acker, weyde, triff, wasser, Fischerey, wiltbahne etc., in massen sye dye vonn gedachten Gebharten, Claufen, Caspern vnd Otten, allen von Plotho, erkaufft, herbracht vnd bisher besessen

vnd gebraucht haben, hinforder also besitzen, genießen vnd gebrauchen mogen nach jhrem besten nutz vnd gefallen, Dortzu sollen vnd wollen alle die von Plothe, jre erben vnd erbnehmen, auch jre vnderthanen den Rath vnd stadt gar nicht vorhindern nach jren, Sondern sich obberurther guther sampt aller zugehorung vnd sonderlich der triefft gentzlich vortzeihen vnd ewffern, wie sye sich auch derselben hiemit vortzeihen haben, doch jhren asslerlehen ohne schaden. Dagegen Burgermeister vnd Rathe Balthasarn Eddeln von Plothe auff negstkunstigen Dinntagk nach Andree Funffhundert gulden an guten Merckischen groschen, jhe zcwey vnd dreißigsthalben auff eynen gulden gerechent, in vnser Altenstadt Magdeburgk in der Herberge zcum gulden Arme jegen gnuglicher quitantz, von den Brudern allen dreien vorsegelt, bey vormeydung des schadens, welcher vff Baltasarn Eddeln von Plothe vortrostung halben dieser betzalung gesucht vnd ehr weiter bey den von Borch suchen wirdt mith vertzeihung aller anforderung, so jnen widder dye von Plothe als jhre wehrburgen dieser Funffhundert gulden halber hette gebuhren mogen, reichen vnd betzahlen sollen, Welche betzalung der ansprach vnd das die von Borch solcher jrer erkauffter guther an eygenthumb vnd besitz ruigk pleiben mogen, Thuen wir als der Lehnsfürst nach masse vorgethaner vnser vnd vnser vorfahren gunst, vber den kauff gegeben, bewilligen. Welchs auch wir Techant, Senior vnd ganiz Capittel des Erwürdigen Thumbstieffts zcu Magdeburgk vnd wir her Sebastian, Thumprobt zcu Merseburgk vnd Thesaurarius zcu Magdeburgk, Claus, Casper, Hans vnd Otto, Eddeln von Plothe, ratificiren vnd belieben, Damit sollen vnd wollen obgedachte part solcher jrrung ewiglichen vortragen sein vnd das so itzlichem doruff zcuthuen auffgelegt, trewlich vnd ane geuerde voltziehen vnd halten, das sye vnfs von allen theilen mit handgebenden trewen williglich zeugesagt haben. Zcu vrkunde haben wir Albrecht, von gots gnaden Romischer kirchen des tittels sancti Petri ad Vincula Priester, Cardinal vnd Legatus natus, Ertzbi-schoff zcu Magdeburgk vnd Meintz, Primas Des heiligen Romischen reichs in Germanien, Ertzcantzler vnd Churfurst, Administrator zcu Halberstadt, Marggraue zcu Brandenburgk, zcu Stettin, Pommern, Der Cassubenn vnd Wenden Hertzogk, Burggraue zcu Norembergk vnd Fürst zcu Rugen, Wir Techandt, Senior vnd Capittel der kirchen zcu Magdeburg, Sebastian, Thumprobt zcu Merseburgk vnd Thesaurarius, Joachim, Thumherrep doselbst zcu Magdeburgk, Claus, Jasper, Hans, Otte, Jeorge vnd Baltasar Eddeln von Plothe vnser jeder seyn vnd des Capittels zcu Magdeburgk Ingesiegel willentlich an diesen brieff hengen lassenn, der gegeben ist zcu Halle vff Sanct Moritzburgk, am Mitwochen nach dionisij, Nach Christi vnfers lieben hern vnd seligmachers geburth Tawfent Funffhundert vnd dornach in dem Ein vnd dreißigstenn Jahre.

Nach dem Original des Stadtarchives zu Burg Nr. 16.

Von demselben Tage und Jahre ist eine Bestätigung des Herzogs Johann von Sachsen erhalten unter Nr. 50 des Stadtarchives, gegeben zu Torgow.